



Letsatsi la Botjhaba

Ndivhuho Mutsila

Thulisile Shongwe



Mona Afrika Borwa, Letsatsi la Botjhaba la 24
Loetse ke letsatsi la phomolo.

Buka ena e ka ha Letsatsi la Botjhaba. O tla
tseba ka bobatsi ka tsatsi lena le hore
hobaneng le le bohlokwa mona Afrika Borwa.



Batho bohle ba na le tshimoloho, mme tshimoloho ya rona ke karolo ya botjhaba ba rona.

Batho ba Afrika Borwa ba keteka ditso tse fapaneng ka ho ba mmoho le malapa a bona le setjhaba ka kakaretso.

Afrika Borwa e na le ditso tse fapaneng hape ho na le tseo re di arolelanang.



Meetlo ya rona e fapana ka tsa bodumedi, ditlwaelo le meloko.

Batho ba Afrika Borwa ba bua dipuo tse fapaneng. Naha ena e na le dipuo tsa semmuso tse leshome le motso o le mmedi.

Dipuo tsa semmuso mona Afrika Borwa tsa Letsatsi la Botjhaba ke tse latelang:



Ilanga lamaGugu (isiNdebele)

USuku lwezaMafa (isiXhosa)

USuku lwamaGugu (isiZulu)

Letšatši la Bohwa (Sepedi)

Letsatsi la Ngwaoboswa (Setswana)


Lilanga Lemagugu (Siswati)

Duvha la Vhufa (Tshivenda)

Siku ra Ndzhaka (Xitsonga)

Erfenisdag (Afrikaans)

Heritage Day (English)



Ka nako ya kgethollo ya mmala, letsatsi la 24 Loetse le ne le tsejwa e le Shaka Day.

Kamora kgethollo ya mmala, palamente ya fetolela Shaka Day ho Letsatsi la Botjhaba. Ya eba letsatsi le ketekwang ke batho bohle Afrika Borwa.

Re keteka botjhaba ba rona ka ho fapana le boo re bo arolelanang.



Molaotheo wa Afrika Borwa o na le melao ya bohlokwa
e re tataisang. O na le melao e tshehetsang le ho
boloka ditokelo tsa rona.

Molaotheo o re batho bohle ba a lekana.

Ha ho na motho ya ka hodima e mong.



Molaotheo o re batho ba se ke ba kgetholla ba bang.

Re lokela ho hlomphana. Batho bohle ba na le ditokelo tse tshwanang, tsa puo, tsa bodumedi le setso.



Ka Letsatsi la Botjhaba, batho ba Afrika Borwa ba thabela ho bina dipina tsa setso le ho etsa metjeko ya setso.

Re thabela le ho pheha dijo tsa setso.


Ba bang ba tlotla badimo ba bona ka dithoko, ha ba bang ba etela badimo ba bona mabitleng.



Batho ba apara diaparo tse ntle tse mebalabala. Ba apara minwenda, seshweshwe, swibelane le tse ding tse ngata.

Ha Afrika Borwa e keteka Letsatsi la Botjhaba, re keteka le matshwao a rona a botjhaba.

Matshwao a botjhaba ke diphoofolo le dimela tseo e leng karolo ya botjhaba ba rona.



Matshwao a botjhaba a Afrika Bowa ke:

Springbok ke phoofolo ya botjhaba.

Blue Crane ke nonyana ya botjhaba.

Yellowwood ke sefate sa botjhaba.

Protea ke palesa ya botjhaba.

Galjoen ke tlhapi ya botjhaba



Dikolo di keteka Letsatsi la Botjhaba pele ho letsatsi la phomolo la 24 Loetse.

Bana ba apara diaparo tsa bona tsa setso ebe ba bolella ba bang seo ba se tsebang ka botjhaba ba bona.

Ba latswa dijo tsa setso tsa ba bang mme ba etse metjeko ya setso.



Mekete ya botjhaba ya mona Afrika Borwa e lokela ho kenyeletsa MaAfrika a mang naha ka bophara.

Bana ba Afrika ba motlotlo ho re:

Ke nna Namunya, ke apere shuka.

Ke nna Adilah, ke apere kaftan.

Nna ke Isoka. Ke apere gele.

Nna ke Sipho. Ke apere bhesu.

—Dipotso

1. Letsatsi la Botjhaba le ketekwa neng? Hobaneng le ketekwa?
2. Bolela matshwao a mane a botjhaba a Afrika Borwa.
3. Ngola 'Letsatsi la Botjhaba' ka puo tse ding tse pedi ntle le ya hao.
4. Hlalosa ditokelo tse nne tseo Molaotheo wa Afrika Borwa o di tshehetsang le ho di sireletsa.
5. Ke mekgwa efe e fapaneng eo Ma Afrika Borwa a ketekang letsi la Botjhaba?
6. Fuputsa dibaka tse hlano tsa Botjhaba tse fumanwang Afrika Borwa.
7. O utlwisang ka "dipou tse molaong"? Fuputsa dipuo tse ding tse hlano tse sebediswang Afrika Borwa empa di sa akaretswa dipuong tse 12 tse molaong.
8. Na o nahana hore ho tshwanetse ho be le puo e le nngwe e molaong Afrika (ka bophara) tjekelele? Hlalosa.

—Lenane la dibuka tse letotong lena

- Letsatsi la Poelano
- Letsatsi la Tokoloho
- Letsatsi la Botjhaba
- Letsatsi la Ditokelo tsa Botho
- Letsatsi la Basadi
- Letsatsi la Basebetsi
- Letsatsi la Batjha

Buka ena e qapuwe le ho ngolwa ka puo ya
Tshivenḡa jwaloka karolo ya porojeke ya 2020
ya Zenex Ulwazi Lwethu ya dibuka tse balwang.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Letsatsi la Botjhaba

Author/s: Ndivhuho Mutsila

Translator/s: Maria Vaz

Illustrator/s: Thulisile Shongwe

Assurer/s: Nthabiseng Tsatsi, Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

